

**গণপ্রজাতন্ত্রী বাংলাদেশ সরকার**  
**তথ্য অধিদফতর**  
**বাংলাদেশ সচিবালয়**  
**ঢাকা**

**সংবাদ গতিধারা**

ঢাকা, সোমবার ৮ আগস্ট ২০১৬, ২৪ শ্রাবণ ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। সন্ত্রাসের বিরুদ্ধে গণসচেতনতা সৃষ্টি হয়েছে : প্রধানমন্ত্রী
- ২। জনগণের ন্যায়বিচার নিশ্চিতে আন্তরিক হওয়া প্রয়োজন : আইনজীবীদের প্রতি রাষ্ট্রপতি
- ৩। ব্রিটিশ কাউন্সিল শীত্বই খুলে দেওয়া হবে : ব্রিটিশ হাইকমিশনারের সঙ্গে স্বরাষ্ট্রমন্ত্রীর বৈঠক
- ৪। এমডিজি অর্জনে বাংলাদেশ রোল মডেল : স্পিকার
- ৫। বঙ্গমাতা বেগম ফজিলাতুন্নেছা মুজিবের জন্মবার্ষিকী আজ
- ৬। বিদেশি কূটনীতিকদের নিরাপত্তায় প্রয়োজনে আইন সংশোধন : পররাষ্ট্রমন্ত্রী
- ৭। কাঁচাপাট ক্রয়ে মান বজায় রাখার নির্দেশ
- ৮। পদ্মা সেতু রেল সংযোগ নির্মাণ চুক্তি স্বাক্ষর আজ
- ৯। তদন্তকারী কর্মকর্তাদের সাথে কথা না বলে সংবাদ প্রকাশ থেকে বিরত থাকুন : কাউন্টার টেরেজিম এন্ড ট্রান্সন্যাশনাল ক্রাইম ইউনিটের প্রধান মনিরুল ইসলাম
- ১০। ভবিষ্যৎ প্রকল্পের জন্য গ্রাহক গ্যাসের বেশি দাম দেবে না : জিটিসিএলের প্রস্তাবে গণশুনানিতে অভিমত
- ১১। দৌলতদিয়ার তিনটি ফেরিঘাট বন্ধ
- ১২। সড়ক দুর্ঘটনায় সাত মাসে নিহত ২ হাজার ২৪৫ জন : এনসিপিএসআরআরের জরিপ

১। **সন্তাসের বিরুদ্ধে গণসচেতনতা সৃষ্টি হয়েছে : প্রধানমন্ত্রী**

প্রধানমন্ত্রী শেখ হাসিনা বলেছেন, সন্তাসের বিরুদ্ধে দেশে ব্যাপক গণসচেতনতা সৃষ্টি হয়েছে। দেশের জনগণ এখন এই সামাজিক ব্যাধিকে ‘না’ বলছে। আর সন্তাসের বিরুদ্ধে লড়াইয়ে বর্তমান সরকার প্রয়োজনীয় সকল পদক্ষেপ গ্রহণ করেছে। গতকাল ৭ আগস্ট রোববার প্রধানমন্ত্রীর কার্যালয়ে বাংলাদেশে নিযুক্ত ভিয়েতনামের বিদায়ী রাষ্ট্রদূত গুইয়েন কোয়াং থু'র সঙ্গে সৌজন্য সাক্ষাৎকালে তিনি একথা বলেন। সুত্র- ইউফাক (পৃ.১,ক.৬), সমকাল (পৃ.২,ক.৫), ইভিপেনডেন্ট (পৃ.১,ক.২), ডেইলি সান, (শেষ পৃ.,ক.১)।

ভোরের কাগজ, ইউফাক, ইভিপেনডেন্ট, অবজারভার, নিউজ টুডে, নিউ নেশনসহ অধিকাংশ পত্রিকা এ বিষয়ে ছবিসহ খবর ছেপেছে।

২। **জনগণের ন্যায়বিচার নিশ্চিতে আন্তরিক হওয়া প্রয়োজন : আইনজীবীদের প্রতি রাষ্ট্রপতি**

রাষ্ট্রপতি মো. আব্দুল হামিদ বলেছেন, আইনজীবীরা বিচার বিভাগের অবিচ্ছেদ্য অংশ এবং জনগণ যাতে ন্যায়বিচার পায়, তার জন্য তাদের তিনি আন্তরিকতার সঙ্গে কাজ করার পরামর্শ দেন। বাংলাদেশ সুপ্রিম কোর্ট বার অ্যাসোসিয়েশনের (এসসিবিএ) ১২ সদস্যের একটি প্রতিনিধিদল অ্যাসোসিয়েশনের সভাপতি ইউসুফ হোসেন হুমায়ুনের নেতৃত্বে বঙ্গভবনে রাষ্ট্রপতির সঙ্গে সাক্ষাৎ করতে গেলে তিনি একথা বলেন। রাষ্ট্রপতির প্রেস সচিব জয়নাল আবেদিন সাক্ষাৎ শেষে এ কথা জানান। এ সময় প্রতিনিধিদলটি রাষ্ট্রপতিকে এসসিবিএ'র বিভিন্ন কার্যক্রম সম্পর্কে অবহিত করেন। সুত্র-সংবাদ (পৃ.২,ক.৭), জনকৃষ্ণ (পৃ.২,ক.১), ডেইলি সান (পৃ.২,ক.১), ইভিপেনডেন্ট (পৃ.৩,ক.১)।

৩। **ব্রিটিশ কাউন্সিল শীত্রই খুলে দেওয়া হবে : ব্রিটিশ হাইকমিশনারের সঙ্গে স্বরাষ্ট্রমন্ত্রীর বৈঠক**

গুলশান হামলার ঘটনায় হাসনাত রেজা করিম ও তাহমিদ হাসিবকে গোয়েন্দা পুলিশের জিঙ্গাসাবাদে নিশ্চিত হয়েই তাদেরকে গ্রেফতার করা হয়েছে বলে জানিয়েছেন স্বরাষ্ট্রমন্ত্রী আসাদুজ্জামান খান কামাল। এ ছাড়া নিরাপত্তাজনিত কারণে বাংলাদেশের সাময়িক বন্ধ থাকা ব্রিটিশ কাউন্সিলের সব শাখা শীত্রই খুলে দেওয়া হবে বলে জানান তিনি। পাশাপাশি কোনো ইংলিশ মিডিয়াম স্কুল বন্ধ করতে সরকারের তরফ থেকে কোনো ধরণের নির্দেশ দেওয়া হয়নি। তবে যদি কোনো স্কুল নিরাপত্তা চায়, তবে সরকার তা দেবে বলে জানান তিনি। গতকাল ৭ আগস্ট রোববার সচিবালয়ে স্বরাষ্ট্র মন্ত্রণালয়ে ব্রিটিশ হাইকমিশনার এলিসন লেকের সাথে এক বৈঠক শেষে এ কথা বলেন স্বরাষ্ট্রমন্ত্রী। সুত্র-সংবাদ (পৃ.১,ক.৬), সমকাল (পৃ.১৯,ক.২), ইভিপেনডেন্ট (শেষ পৃ.,ক.১), ডেইলি সান (পৃ.২,ক.২)।

৪। **এমডিজি অর্জনে বাংলাদেশ রোল মডেল : স্পিকার**

স্পিকার ও সিপিএ চেয়ারপারসন ড. শিরীন শারমিন চৌধুরী বলেছেন, সামাজিক ও মানবিক উন্নয়ন সূচকে বাংলাদেশের যথেষ্ট অগ্রগতি হয়েছে। সহস্রাব্দ উন্নয়ন লক্ষ্যমাত্রা (এমডিজি) অর্জনে বাংলাদেশ আজ বিশ্বে রোল মডেল। বাংলাদেশে নিযুক্ত ইউএনডিপির আবাসিক প্রতিনিধি পলিন টমেসিস গতকাল ৭ আগস্ট রোববার স্পিকারের সঙ্গে তার কার্যালয়ে বিদায়ী সাক্ষাতে গেলে তিনি এসব কথা বলেন। তিনি বলেন, বাংলাদেশ এখন এসডিজি অর্জনে কাজ করে যাচ্ছে। এ লক্ষ্য অর্জনে ইউএনডিপি বাংলাদেশকে সহায়তা করবে বলে তিনি আশাবাদ ব্যক্ত করেন। সংসদ সদস্য ও সংসদ সচিবালয়ের সামর্থ্য বৃদ্ধি এবং জলবায়ুর বিকল্প প্রভাব মোকাবিলায় ইউএনডিপির কাজ করার সুযোগ রয়েছে বলেও তিনি মন্তব্য করেন। সুত্র-সমকাল (পৃ.৪,ক.১) সংবাদ (পৃ.৪,ক.১), ইভিপেনডেন্ট (পৃ.৫,ক.১), ডেইলি সান (পৃ.২,ক.৬)।

৫। **বঙ্গমাতা বেগম ফজিলাতুন্নেছা মুজিবের জন্মবার্ষিকী আজ**

স্বাধীন বাংলাদেশের মহান স্থপতি, জাতির পিতা বঙ্গবন্ধু শেখ মুজিবুর রহমানের সহধর্মী, মহীয়সী নারী বঙ্গমাতা বেগম ফজিলাতুন্নেছা মুজিবের ৮৬তম জন্মবার্ষিকী আজ। ১৯৩০ সালের এই দিনে গোপালগঞ্জের টুঙ্গীপাড়া গ্রামে তিনি জন্মগ্রহণ করেন। ১৯৭৫ সালের ১৫ আগস্টের কালরাতে জাতির পিতার হত্যাকারীদের নিষ্ঠুর, বর্বরোচিত হত্যায়জ্ঞের শিকার হয়ে তিনিও শাহাদাত বরণ করেন। বেগম ফজিলাতুন্নেছা মুজিবের জন্মবার্ষিকী উপলক্ষে রাষ্ট্রপতি

মো. আবদুল হামিদ ও প্রধানমন্ত্রী শেখ হাসিনা পৃথক বাণী দিয়েছেন। সূত্র-ইত্তেফাক (শেষ প.,ক.৮), জনকর্ত্তা (পৃ.১,ক.৮), বাংলাদেশ টুডে (পৃ.২,ক.৫), ডেইলি সান (পৃ.৩,ক.১)।

#### ৬। বিদেশি কূটনীতিকদের নিরাপত্তায় প্রয়োজনে আইন সংশোধন : পররাষ্ট্রমন্ত্রী

গুলশানের জঙ্গি হামলার পরিপ্রেক্ষিতে বিদেশি কূটনীতিক মিশন ও কূটনীতিকদের নিরাপত্তা জোরদারের জন্য বাংলাদেশের প্রচলিত আইন ও বিধিমালায় ছোটখাটো সংশোধনের প্রয়োজন হলে সরকার তা করার বিষয়টি বিবেচনায় নিচ্ছে। পররাষ্ট্র প্রতিমন্ত্রী মো. শাহরিয়ার আলম গতকাল ৭ আগস্ট রোববার তার দণ্ডে

=৩=

গণমাধ্যমকর্মীদের এ তথ্য জানান। গুলশানের জঙ্গি হামলার পর বিদেশিদের নিরাপত্তা বাড়ানোর জন্য সম্প্রতি পররাষ্ট্রমন্ত্রী আবুল হাসান মাহমুদ আলীকে সভাপতি করে একটি উচ্চ পর্যায়ের টাঙ্কফোর্স গঠন করা হয়েছে। গত ৪ আগস্ট বৃহস্পতিবার টাঙ্কফোর্সের প্রথম বৈঠকে বিদেশি কূটনীতিক ও কূটনীতিক মিশনের কর্মকর্তাদের নিরাপত্তা নিশ্চিদ্ব করতে কিছু নতুন পদক্ষেপ নেওয়ার সুপারিশ করা হয়। সূত্র-প্রথম আলো (পৃ.২,ক.২), জনকর্ত্তা (পৃ.১,ক.৫), অবজারভার (পৃ.১,ক.৮), নিউ নেশন (পৃ.২,ক.৬)।

#### ৭। কাঁচাপাট ক্রয়ে মান বজায় রাখার নির্দেশ

কাঁচাপাট ক্রয়ে গুণগত মান বজায় রাখার নির্দেশ দিয়েছেন বন্স্র ও পাট প্রতিমন্ত্রী মির্জা আজম। গতকাল ৭ আগস্ট রোববার রাজধানীর দিলকুশায় বাংলাদেশ জুট মিলস কর্পোরেশনের (বিজেএমসি) কার্যালয়ে পাটের উৎপাদন ক্রয় ও অন্যান্য বিষয় নিয়ে এক সভায় তিনি এ নির্দেশ দেন। সভায় বন্স্র ও পাট সচিব এম এ কাদের সরকারসহ উত্থার্তন কর্মকর্তারা উপস্থিত ছিলেন। সূত্র-ইত্তেফাক (পৃ.৩,ক.৮), সংবাদ (পৃ.১৩,ক.১), ইনকিলাব (পৃ.১৩,ক.৮) ভোরের কাগজ (পৃ.৯,ক.১)।

#### ৮। পদ্মা সেতু রেল সংযোগ নির্মাণ চুক্তি স্বাক্ষর আজ

পদ্মা সেতু রেল সংযোগ নির্মাণে আজ সোমবার রেল ভবনে চুক্তি স্বাক্ষর হবে। ‘রেল সংযোগ প্রকল্প’ বাস্তবায়ন করছে বাংলাদেশ রেলওয়ে। চীনের রাষ্ট্রীয়ত চায়না রেলওয়ে ইঞ্জিনিয়ারিং কোম্পানি লিমিটেড (সিআরইসি) রেলপথ নির্মাণ করবে। জানা গেছে, পদ্মা সেতু রেল সংযোগ প্রকল্পের অধীনে ঢাকা থেকে পদ্মা সেতু হয়ে যশোর পর্যন্ত রেললাইন নির্মাণ করা হবে। চুক্তির আওতায় প্রথম ধাপে ঢাকা থেকে মাওয়া হয়ে ফরিদপুরের ভাঙ্গা পর্যন্ত রেলপথ নির্মাণ করা হবে। দ্বিতীয় ধাপে নির্মাণ হবে যশোর পর্যন্ত রেল সংযোগ। প্রকল্পে মোট ব্যয় ধরা হয়েছে প্রায় ৩৪ হাজার কোটি টাকা। সূত্র-সমকাল (পৃ.৪,ক.৫)।

#### ৯। তদন্তকারী কর্মকর্তাদের সাথে কথা না বলে সংবাদ প্রকাশ থেকে বিরত থাকুন

: কাউন্টার টেররিজম এন্ড ট্রান্সন্যাশনাল ক্রাইম ইউনিটের প্রধান মনিরুল ইসলাম

গুলশানে জঙ্গি হামলার ঘটনা নিয়ে তদন্ত সংস্থার সঙ্গে কথা না বলে ‘কথিত অনুসন্ধানী প্রতিবেদন’ প্রকাশ না করার অনুরোধ জানিয়েছেন ঢাকা মহানগর পুলিশের অতিরিক্ত কমিশনার মনিরুল ইসলাম। তিনি বলেছেন, এ ধরণের প্রতিবেদনে ভুল বোঝাবুঝির সুযোগ সৃষ্টি হতে পারে। গতকাল ৭ আগস্ট রোববার মহানগর পুলিশের গণমাধ্যম কার্যালয়ে মনিরুল ইসলাম এসব কথা বলেন। সূত্র-ইনকিলাব (পৃ.১,ক.৫), ভোরের কাগজ (পৃ.১,ক.৪)।

#### ১০। ভবিষ্যৎ প্রকল্পের জন্য গ্রাহক গ্যাসের বেশি দাম দেবে না

: জিটিসিএলের প্রস্তাবে গণশুনানিতে অভিযোগ

কোনো লাভজনক প্রতিষ্ঠানের ভবিষ্যৎ উন্নয়ন প্রকল্পের ব্যয় বিবেচনা করে গ্যাসের দাম কিংবা গ্যাস সংগ্রালন-বিতরণের মূল্যহার বাড়ানো এনার্জি রেগুলেটরি কমিশনের আইনসম্মত নয়। যদি কোনো কোম্পানির আয়-ব্যয়ের হিসাবে রাজস্ব ঘাটতি দেখা যায়, কেবল সে ক্ষেত্রেই দাম কিংবা মূল্যহার বাড়ানো যেতে পারে। গ্যাসের দাম বাড়ানোর প্রস্তাবের ওপর গণশুনানিতে বিশেষজ্ঞ ব্যবসায়ী, রাজনৈতিক নেতা-সবাই এই অভিযোগ ব্যক্ত করেছেন। গতকাল ৭ আগস্ট রোববার কারওয়ান বাজার টিসিবি মিলনায়তনে এই শুনানি শুরু হয়েছে। গতকাল ৭ আগস্ট শুনানি শুরু হয়েছে গ্যাস সংগ্রালন কোম্পানি লিমিটেডের (জিটিসিএল) প্রস্তাবের ওপর। সূত্র-প্রথম আলো (পৃ.৩,ক.২), যুগান্তর (শেষ পৃ.,ক.৬), ডেইলি সান (শেষ পৃ.,ক.২), নিউ নেশন (পৃ.১,ক.৫)।

## ১১। দৌলতদিয়ার তিনটি ফেরিঘাট বন্ধ

পদ্মার তীব্র শ্রেতে পাড় ভেঙে যাওয়ার রাজবাড়ীর দৌলতদিয়ায় তিনটি ফেরিঘাট বন্ধ করে দেওয়া হয়েছে। এখন একটি ঘাট দিয়ে ফেরি চলছে। এ কারণে এ রুটে ফেরি চলাচল ও সীমিত করা হয়। ফলে মানিকগঞ্জের পাটুরিয়া ঘাট থেকে দৌলতদিয়াগামী ফেরি চলাচল বন্ধ ঘোষণা করা হয়েছে। গত ৬ আগস্ট শনিবার রাতে ১ নম্বর এবং গতকাল ৭ আগস্ট রোববার সকালে ২ নম্বর ফেরিঘাট বন্ধ হয়। এর আগে ২৭ জুলাই বন্ধ হয়েছিল ৪ নম্বর ঘাট। যানবাহন পারাপার করা হচ্ছে শুধু ৩ নম্বর ঘাট দিয়ে। বিআইডিলিউটিসির দৌলতদিয়া ঘাটের ম্যানেজার শফিকুল ইসলাম বলেন, তিনটি ঘাট বন্ধ হওয়ায় পাটুরিয়া-দৌলতদিয়া রুটে যোগাযোগে কিছুটা সমস্যা হচ্ছে। পাশাপাশি ফেরি চলাচল সীমিত হয়ে পড়ার দুই পাড়ে আটকা পড়েছে পারাপারের অপেক্ষায় থাকা শতাধিক যাত্রী ও পণ্যবাহী গাড়ি।  
সূত্র-জনকর্ত্ত (পৃ.২,ক.২), যুগান্তর (পৃ.১,ক.১), অবজারভার (শেষ পৃ.,ক.৮), বাংলাদেশ টুডে (শেষ পৃ.,ক.৮)।

=8=

## ১২। সড়ক দুর্ঘটনায় সাত মাসে নিহত ২ হাজার ২৪৫ জন

: এনসিপিএসআরআরের জরিপ

গত সাত মাসে সারাদেশে দুই হাজার ৮২টি সড়ক দুর্ঘটনায় দুই হাজার ২৪৫ জন নিহত ও ছয় হাজার ৩১ জন আহত হয়েছেন। নিহতদের মধ্যে ৩১১ জন শিশু ও ৩০১ জন নারী রয়েছেন। চলতি বছরের ১ জানুয়ারি থেকে ৩১ জুলাই পর্যন্ত এসব দুর্ঘটনায় হতাহতের এ ঘটনা ঘটে। গতকাল ৭ আগস্ট রোববার প্রকাশিত নো, সড়ক ও রেলপথ রক্ষা জাতীয় কমিটির (এনসিপিএসআরআরের) এক জরিপ প্রতিবেদনে এ তথ্য তুলে ধরা হয়। দেশের ১২টি জাতীয় দৈনিক, ছয়টি অনলাইন নিউজ পোর্টাল ও ১২টি আঞ্চলিক সংবাদপত্রে প্রকাশিত তথ্য-উপাদের ভিত্তিতে এ প্রতিবেদন তৈরি করা হয়েছে বলে সংগঠনের পক্ষ থেকে জানানো হয়। সূত্র-সমকাল (পৃ.১৯,ক.২), সংবাদ (পৃ.১,ক.৩), অবজারভার (শেষ পৃ.,ক.১)।

### সম্পাদকীয়

- ক. ইত্তেফাক, ইভিপেনডেন্ট : বিশ্ব অলিম্পিকে অংশগ্রহণ করা বাংলাদেশি ক্রীড়াবিদদের সাফল্য কামনা।
- খ. প্রথম আলো : চট্টগ্রামের খাতুনগঞ্জ, চাঙাই ও আছাদগঞ্জের ব্যবসায়ীরা জলাবন্ধন দূরকরা সহ তাদের বিভিন্ন সমস্যা সমাধানের দাবিতে রাস্তায় নেমেছেন উল্লেখ করে সিটি মেয়ারকে এসব সমস্যা সমাধানে প্রয়োজনীয় উদ্যোগ নেওয়ার সুপারিশ।
- গ. জনকর্ত্ত সংবাদ : নিখোঁজ ব্যক্তিদের সবাই জস্বিবাদে জড়িত এটি অনুমান করা সমীচিন নয় উল্লেখ করে আইন-শৃঙ্খলা রক্ষাকারী বাহিনী বৃদ্ধিমত্তার সাথে নিখোঁজ ব্যক্তিদের সন্ধান চালাবেন বলে প্রত্যাশা ব্যক্ত।
- ঘ. সংবাদ : চলতি বোরো মৌসুমে ধান সংগ্রহ অভিযানে ব্যাপক অনিয়ম ও দুর্নীতির অভিযোগ উঠায় এ ব্যাপারে মনিটরিং করে কঠোর ব্যবস্থা নেওয়ার সুপারিশ।
- ঙ. যুগান্তর : বন্যা দুর্গত মানুষের দুর্ভোগ সরকারি-বেসরকারি নানা উদ্যোগে লাঘব করার আহ্বান।
- চ. ইভিপেনডেন্ট : খাদ্য ও কৃষি সংস্থার (এফএও) রিপোর্টে বাংলাদেশে মোট ভূমির মাত্র ৮ শতাংশ বনভূমি থাকায় বৃক্ষরোপণে বিশেষ করে ফলের গাছ রোপণের ওপর গুরুত্বারোপ।
- ছ. ডেইলি সান, নেউ নেশন: কৃষি পণ্য উৎপাদনে রাসায়নিক সারের পরিবর্তে অর্গানিক সারের ব্যবহার বৃদ্ধির দ্বারা স্বাস্থ্যসমত পদ্ধতিতে পণ্যসামগ্ৰী উৎপাদন করার আহ্বান।
- জ. ডেইলি স্টার: চলন বিল এলাকায় ২২টি নৌকায় ব্যক্তিগত অনুদানে ক্ষুল, লাইব্রেরি ও কম্পিউটার ল্যাব স্থাপন করে শিক্ষা কার্যক্রম চালানোর বিষয় তুলে ধরে সরকারকে এ ব্যাপারে আরও সহায়তা বাঢ়ানোর সুপারিশ।
- ঝ. নিউজ টুডে : দেশের নদী, খাল, হাওড়, পুকুর ও লেকের বিশুদ্ধ পানিতে মুক্তা চাষের ব্যাপক সম্ভাবনাকে কাজে লাগিয়ে রঞ্চানি আয় বাঢ়ানোর পদক্ষেপ জোরদার করার আহ্বান।
- ঝঃ. নিউ এজ : প্রতি বছর দেশের ৬৫ লাখ লোক শুধুমাত্র চিকিৎসা ব্যয় মিটাতে গিয়ে দরিদ্র হয়ে পড়ার

খবরে উদ্দেগ প্রকাশ করে সরকারকে উপজেলা পর্যায়ে স্বল্প ব্যয়ে স্বাস্থ্যসেবা বিশিত করার সুপারিশ জানিয়ে  
সম্পাদকীয় প্রকাশ করেছে।

#### উপ-সম্পাদকীয়

সংবাদ পত্রিকায় প্রকাশিত কলামে দেশে প্রাথমিক শিক্ষা তা সে ৫ম বা ৮ম যে শ্রেণী পর্যন্তই হোক এবং  
আরবি, উর্দু, ফারসি, ইংরেজি, সংস্কৃতি, উপজাতীয় ভাষা যাই-যেখানে পড়ান হোক তার কোনটাকে অমর্যাদা বা ছোট  
করে নয় বরং সবগুলোকে সমন্বিত করে শিক্ষাক্ষেত্রে আত্মর্যাদাশীল একটা অভিন্ন কারিকুলাম জাতিকে উপহার দিতে  
হবে বলে উল্লেখ করা হয়েছে।

#### নিবন্ধ ও ফিচার

জনকৃষ্ণ পত্রিকায় প্রকাশিত ‘পারিবারিক সততাই সন্তানকে মহৎ করে’ শিরোনামের নিবন্ধে প্রফেসর আজিজুর  
রহমান পরিবারই হচ্ছে সুসন্তান গড়ে তোলার উপযুক্ত স্থান, সুসন্তানরাই একদিন সুনাগরিক হয়ে গড়ে উঠে বলে  
অভিমত প্রকাশ করেছেন।

#

ফারহানা/শুক্লা/মরজিনা/সাঈদা/রশীদ/আফরোজা/২০১৬/৯.০০ ঘন্টা